

# КАНОН АНГЕЛУ ХРАНИТЕЛЮ

## Тропарь , глас 6:

А́нгеле Бóжий, хранітелю мой святы́й, / живóт мой соблюди́ во стра́се Христа́ Бóга, / ум мой утверди́ во істиннем пути́, / и к любви́ гóрней уязви́ дúшу мою́, / да тобою́ направляе́мь, / получи́ от Христа́ Бóга ве́лию мѝлость.

## Канон , глас 8.

### Песнь 1.

*Ирмос: Поім Гóсподеви, / проведішему лю́ди Своя́ сквозе́ Чермно́е мо́ре, / я́ко еди́н сла́вно просла́вися.*

**Припев: Гóсподи Иису́се Христé Бóже мой, помѝлуй мя.**

Песнь воспéти и восхваліти, Спа́се, / Твоего́ раба́ досто́йно сподóби, / безплóтному А́нгелу, наста́внику и хранітелю моему́.

**Припев: Святы́й А́нгеле Бóжий, хранітелю мой, моли́ Бóга о мне.**

Еди́н аз в неразу́мии и в ле́ности нѝне лежу́, / наста́вниче мой и хранітелю, / не оста́ви мене́, погибáюща.

**Слава:** Ум мой твоёю молітвою напра́ви, / твори́ти ми Бóжия повелéния, / да получи́ от Бóга отда́ние грехóв, / и ненавѝдети ми злых наста́ви мя, молю́ся ти.

**И ныне:** Моли́ся, Деви́це, о мне, раба́ Твоём, ко Благода́телю, / со хранітелем моім А́нгелом, / и наста́ви мя твори́ти за́поведи Сы́на Твоего́ и Творца́ моего́.

### Песнь 3.

*Ирмос: Ты еси́ утверждéние / притека́ющих к Тебе́, Гóсподи, / Ты еси́ свет омрачéнных, / и поёт Тя дух мой.*

**Припев: Святы́й А́нгеле Бóжий, хранітелю мой, моли́ Бóга о мне.**

Все помышлéние моé и дúшу мою́ к тебе́ возложѝх, хранітелю мой; / ты от всякія мя напа́сти вра́жия изба́ви.

Враг попира́ет мя, и озлобля́ет, / и поучáет всегда́ твори́ти своя́ хотéния; / но ты, наста́вниче мой, / не оста́ви мене́ погибáюща.

**Слава:** Пéти песнь со благодарéнием и усérдием / Творцу́ и Бóгу даждь ми, / и тебе́, благо́му А́нгелу хранітелю моему́: / изба́вителю мой, изми́ мя от враг озлобля́ющих мя.

**И ныне:** Исцели́, Пречѝстая, моя́ многонедужныя стру́пы, я́же в души́, / проже́ннѝ враги́, ѝже прѝсно бо́руются со мно́ю.

Гóсподи, помѝлуй, трижды.

**Седален, глас 2. Подобен:** Вышних ища:

От любве́ душéвныя вопию́ ти, / хранітелю моея́ души́, всесвяты́й мой А́нгеле: / покрый́ мя и соблюди́ от лука́ваго ловлéния всегда́, / и к жи́зни наста́ви небéсней, / вразумля́я и просвещáя и укрепля́я мя.

**Слава, и ныне, Богородичен:** Богороди́це безневéстная Пречѝстая, / Я́же без се́мени ро́ждши всех Влады́ку, / Того́ со А́нгелом хранітелем моім моли́, / из-

бáвити ми ся всякаго недоумéния, / и дáти умилéние и свет душí моéй и согрешéнием очищéние, / Яже едина вскорé заступающи.

#### Песнь 4.

*Ирмос: Услýшах, Гóсподи, / смотрéния Твоегó та́инство, / разумéх дела Твоя, / и прослáвих Твоé Божество.*

**Припев: Святы́й А́нгеле Бóжий, хранíteлю мой, моли́ Бóга о мне.**

Моли́ Человеколю́бца Бóга ты, хранíteлю мой, / и не оста́ви мене́, / но прíсно в ми́ре житиé моé соблюди́ / и пода́ждь ми спасéние необорíмое.

Я́ко заступника и хранíteля животу́ моему́ приём ты от Бóга, А́нгеле, / молю́ тя, святы́й, / от всяких мя бед свободи́.

**Слава:** Мою́ сквэрность твоёю святы́нею очисти, хранíteлю мой, / и от ча́сти шу́ия да отлучён б́ду моли́твами твоими́ / и причáстник сла́вы явлю́ся.

**И ныне:** Недоумéние предлежит ми от обыше́дших мя зол, Пречíстая, / но изба́ви мя от них скорó: / к Тебе́ бо еди́ней прибего́х.

#### Песнь 5.

*Ирмос: У́треннююще вопиём Ти: / Гóсподи, спаси́ ны; / Ты бо еси́ Бог наш, / разве Тебе́ ино́го не ве́мы.*

**Припев: Святы́й А́нгеле Бóжий, хранíteлю мой, моли́ Бóга о мне.**

Я́ко имéя дерзнове́ние к Бóгу, / хранíteлю мой святы́й, / Сего́ умоли́ от оскорбля́ющих мя зол изба́вити.

Свéте свéтлый, свéтло просвети́ д́шу мою́, / наставниче мой и хранíteлю, / от Бóга да́нный ми А́нгеле.

**Слава:** Спя́ща мя зле тягото́ю грехóвною, / я́ко бдя́ща сохрани́, А́нгеле Бóжий, / и возста́ви мя на славосло́вие моле́нием твоим.

**И ныне:** Мари́е, Госпоже́ Богороди́це безневéстная, наде́ждо ве́рных, / вра́жия возноше́ния низложи́, / пою́щия же Тя возвесели́.

#### Песнь 6.

*Ирмос: Ри́зу ми пода́ждь свéтлу, / одея́йся свéтом я́ко ризою, / многомилостиве Христé Бóже наш.*

**Припев: Святы́й А́нгеле Бóжий, хранíteлю мой, моли́ Бóга о мне.**

Всяких мя напáстей свободи́, и от печáлей спаси́, / молю́ся ти, святы́й А́нгеле, да́нный ми от Бóга, / хранíteлю мой до́брый.

Освети́ ум мой, бла́же, и просвети́ мя, / молю́ся ти, святы́й А́нгеле, / и мы́слити ми полéзная всегда́ наста́ви мя.

**Слава:** Уста́ви се́рдце моé от настоя́щаго мятéжа, / и бде́ти укрепи́ мя во благих, хранíteлю мой, / и наста́ви мя чу́дно к ти́шине живóтней.

**И ныне:** Сло́во Бóжие в Тя всели́ся, Богороди́це, / и челове́ком Тя показа́ небéсную ле́ствицу; / Тобо́ю бо к нам Вы́шний соше́л есть.

Гóсподи, помилуй, трижды. Сла́ва, и ны́не:

**Кондак, глас 4:**

Явися мне милосерд, святый Ангеле Господень, хранителю мой, / и не отлучайся от мене, сквернаго, / но просвети мя светом неприкосновенным / и сотвори мя достойна Царствия Небеснаго.

Икос: Уничуженную душу мою многими соблазны, / ты, святый предстателю, / неизреченныя славы небесныя сподоби, / и певец с лики безплотных сил Божиих, / помилуй мя и сохрани, и помыслы добрыми душу мою просвети, / да твоею славою, Ангеле мой, обогащуся, / и низложу зломыслящия мне враги, / и сотвори мя достойна Царствия Небеснаго.

### Песнь 7.

*Ирмос: От Иудеи дошедше отроцы, / в Вавилоне иногда, / верую Троицескою пламень пещный попраша, поюще: / отцев Боже, благословен еси.*

**Припев: Святый Ангеле Божий, хранителю мой, моли Бога о мне.**

Милостив буди ми, и умоли Бога, Господень Ангеле, / имею бо тя заступника во всем животе моем, наставника же и хранителя, / от Бога дарованнаго ми во веки.

Не остави в путь шествующия души моея окайныя / убити разбойником, святый Ангеле, / яже ти от Бога предана бысть непорочне; / но настави ю на путь покаяния.

**Слава:** Всю посрамлену душу мою / привожду от лукавых ми помысл и дел: / но предвари, наставниче мой, / и исцеление ми подаждь благими помыслы, / уклонити ми ся всегда на правыя стези.

**И ныне:** Премудрости исполни всех и крепости Божественныя, / Ипостасная Премудросте Вышняго, Богородицы ради, верую вопиющих: / отец наших Боже, благословен еси.

### Песнь 8.

*Ирмос: Царя Небеснаго, / Егоже поют вси ангельстии, / хвалите и превозносите во вся веки.*

**Припев: Святый Ангеле Божий, хранителю мой, моли Бога о мне.**

От Бога посланный, / утверди живот мой, раба твоего, преблагий Ангеле, / и не остави мене во веки.

Ангела ты суща блага, / души моея наставника и хранителя, преблаженне, / воспеваю во веки.

**Слава:** Буди ми покров и забрало / в день испытаня всех человек, / вонже огнем искушаются дела благая же и злая.

**И ныне:** Буди ми помощница и тишина, Богородице Приснодево, рабу Твоему, / и не остави мене лишена быти Твоего владычества.

### Песнь 9.

*Ирмос: Воистинну Богородицу / Тя исповедуем, / спасеннии Тобою, Дево чистая, / с безплотными лики Тя величающе.*

**Припев: Господи Иисусе Христе Боже мой, помилуй мя.**

Помилуй мя, единое Спасе мой, / яко милостив еси и милосерд, / и праведных лиц сотвори мя причастника.

**Припев: Святы́й А́нгеле Бо́жий, храните́лю мой, моли́ Бо́га о мне.**

Мы́слити ми прісно и творіти, Господень А́нгеле, / благая́ и полѣзная да́руй, /  
я́ко си́льна яви́ в немо́щи и непоро́чна.

**Слава:** Я́ко имѣя дерзнове́ние к Царю́ Небе́сному, Того́ моли́, / с прѣчими безп-  
ло́тными, поми́ловати мя, ока́яннаго.

**И ны́не:** Мно́го дерзнове́ние иму́щи, Де́во, к Вопло́щшемуся из Тебе́, / преложи́  
мя от уз и разреше́ние ми пода́ждь и спасе́ние, моли́твами Тво́ими.

### МОЛИТВА:

А́нгеле Христовъ святы́й, к тебе́ припада́я молю́ся, храните́лю мой святы́й, при-  
да́нный мне на соблюде́ние души́ и тѣлу моему́ грѣшному от свята́го креще́ния, аз  
же своѣю ле́ностию и сво́им злым обы́чаем прогне́вах твою́ пречи́стую свѣтлость и  
отгна́х тя от себе́ все́ми студи́ными де́лы: лжа́ми, клеветáми, за́вистию, осужде́нием,  
презо́рством, непоко́рством, братоненавидѣ́нием, и злопомне́нием, сребролю́бием,  
прелюбоде́янием, я́ростию, ску́постию, объяде́нием без сы́тости и опі́вством, мно-  
гоглаго́ланием, злы́ми по́мысли и лука́выми, го́рдым обы́чаем и блу́дным возбу́-  
ше́нием, имы́й самохоте́ние на всякое́ плотско́е вожде́ление. О, зло́е моѣ произво-  
ле́ние, егѣ́же и скѣти безсловѣ́снии не творят! Да ка́ко возмо́жеши воззрѣти на мя,  
или́ приступи́ти ко мне, áки псу смердя́щему? Кото́рыма очы́ма, А́нгеле Христовъ,  
воззри́ши на мя, оплетша́ся зле во гну́сных де́лах? Да ка́ко уже́ возмо́гу отпу́щения  
проси́ти го́рьким и злым мо́им и лука́вым де́янием, в ны́же впадаю́ по вся дни и  
но́щи и на всяк час? Но молю́ся ти припада́я, храните́лю мой святы́й, умилосѣ́рдися  
на мя грѣшнаго и недостѣйнаго раба́ твоего́ (имя рек), бу́ди ми помо́щник и за-  
сту́пник на зла́го моего́ сопроти́вника, святы́ми тво́ими моли́твами, и Царствія  
Бо́жия прича́тника мя сотвори́ со все́ми святы́ми, во ве́ки, ами́нь.